

Pokok gerok ganti kebun haram

Inisiatif JPNP kawal kejadian hakisan tebing curam

NORAWAZNI YUSOF

KUANTAN

Jabatan Perhutanan Negeri Pahang (JPNP) akan menanam lebih 3,500 pokok jenis gerok dan beberapa spesies lain di atas kawasan bekas kebun sayur seluas 120 hektar yang diteroka secara haram di Sungai Icat, Terla, Cameron Highlands.

Pengarahnya, Datuk Dr Mohd Hizamri Mohd Yasin berkata, kerja penanaman itu akan dilakukan oleh pihaknya setelah kerja merobohkan bangunan yang terdapat di kawasan terbabit selesai dilakukan.

Menurutnya, namun begitu sebagai permulaan projek itu, pihaknya mendapat kerjasama Universiti Putra Malaysia (UPM)



Bangunan kayu milik pekebun sayur dimusnah oleh pihak berkuasa di Sungai Icat, Terla.

dan penanaman pokok gerok akan dilakukan di atas tanah seluas 0.5 hektar.

"Kita akui kawasan Sungai Icat adalah salah satu punca sumber air dan sudah pasti kita akan segera mengawal kejadian hakisan tebing curam yang sebelum ini menjadi kebun sayur diusa-

hakan penduduk setempat.

"Malah, kita juga akanewartakan kawasan terbabit sebagai hutan simpan kekal bagi memastikan tidak berlaku sebarang aktiviti serta pencerobohan, kawasan Sungai Icat kini berstatus tanah milik kerajaan," katanya, hari ini.

Jelasnya, ketua penolong pengarah pembangunan JPNP, Norzalyta Mohd Ghazali dan pegawai UPM sudah mengadakan lawatan ke kawasan Sungai Icat minggu lalu bagi melihat keadaan di situ sebelum projek tanaman dilakukan.

Bagaimanapun Mohd Hi-

info

Penanaman pokok gerok akan dilakukan di atas tanah seluas 0.5 hektar dengan kerjasama UPM

zamri berkata, seramai 61 pekebun sayur dan bunga di kawasan Sungai Icat sudah diberi notis untuk mengosongkan kawasan terbabit.

"Sebelum ini di bangunan kayu milik 11 pekebun sudah dimusnahkan oleh pihak berkuasa pada operasi lalu dan selebihnya akan dilakukan dalam masa terdekat," katanya.

Katanya, kawasan Sungai Icat yang menjadi antara kawasan pengeluar utama sayur dan bunga terbabit dengan 'Ops Gading'.

Mohd Hizamri berkata, kawasan Sungai Icat juga akan dijadikan taman hutan tanah tinggi dan produk pelancongan terbaharu di pusat peranginan itu.